

# KODEKS PONAŠANJA U ŠKOLI NOGOMETA NK „ČELIK“ ZENICA

## IGRAČI

Škola nogometa „NK Čelik Zenica“ (u daljem tekstu: Klub) mjesto je nulte tolerancije nasilja, mobbinga i diskriminacije na bilo kojoj osnovi (rasnoj, spolnoj, vjerskoj, sportskim sposobnostima i dr.). Ovim kodeksom utvrđuju se pravila ponašanja igrača Kluba, u svrhu ostvarivanja takmičarsko-razvojnih ciljeva Kluba, te izvršavanje prava, obaveza, odgovornosti i dužnosti koji proizlaze iz akata koji uređuju ovo područje.

Osnovni cilj ovog kodeksa ponašanja je promocija osnovnih elemenata izgradnje karaktera i sportske etike, koji su sadržani u konceptu sportskog ponašanja, u ključnim principima: povjerenje, poštovanje, odgovornost, transparentnost, pravednost, briga i socijalizacija. Najbolji rezultati u sportu postižu se kad je ponašanje, trening i takmičenje u skladu s ovim principima. Svi nogometaši Kluba prihvataju svojevrijem ovaj kodeks s danom njegovog objavljivanja na internetskoj stranici Kluba.

### I – PRAVILA PONAŠANJA IGRAČA

Igrači su dužni obratiti posebnu pažnju na ponašanje, te voditi se sportskim principima fair play, poštovanje prema trećim licima, trud i želja za napredovanje, iskoristiti svaki momenat da se vode principom sportskog duha, imajući na umu da je nogomet timski sport, a ekipa uvijek važnija od pojedinca.

Igrači Kluba dužni su u svim prilikama i za vrijeme članstva:

1. U svakoj prilici razgovarati pozitivno o Klubu.
2. Izbjegavati sve skupove ekscesnog sadržaja.
3. Izbjegavati druženje s osobama nekulturnog i nasilnog ponašanja.
4. Izbjegavati sukobe na treningu i takmičenjima, kao i sukobe van toga. Iste rješavati na civilizovan način i u okviru struktura kluba.

Svi članovi Kluba trebaju biti primjer kulturnog i odgojenog sportiste.

Svi članovi Kluba obavezni su imati službenu opremu NK Čelik Zenica u sljedećim situacijama:

1. Svim službenim treninzima Kluba.
2. Svim neslužbenim i službenim utakmicama Kluba.
3. Putovanjima na utakmice, turnire, pripreme i drugo.

Službena oprema Kluba je renomirani italijanski sportski brend **Macron**.

Oprema igrača mora biti uredna, čista i mirišljiva.

**U cilju postizanja što boljih rezultata i promovisanja Kluba igrači su dužni:**

1. Igrač Kluba dužan je učestvovati na treninzima i utakmicama, dolaziti najmanje 30 minuta prije početka treninga, a 15 minuta prije početka treninga biti spreman za izlazak, te dolaziti najmanje 90 minuta prije početka utakmice.

2. U slučaju kašnjenja na treninge ili utakmice dužan je pravovremeno obavijestiti trenera.
3. Neopravdani izostanak s treninga ili utakmice sa sobom povlači disciplinske mjere igraču, i to: udaljšavanje s treninga, opomena, manja minutaža na utakmicama, neodigravanje utakmice i u težem prekršaju isključivanje iz Kluba, a o svemu će odlučivati trener odgovarajuće selekcije, koordinator i direktor Kluba.
4. Školske obaveze važnije su od treninga, te svaki igrač Kluba treba biti primjer lijepog ponašanja i dobrog učenja u školi.
5. Biti fizički i mentalno spremni za trening, te prije treninga razmisliti o sadržaju i eventualnim izmjenama s prošlog treninga.
6. Svlačionicu ostavljati urednom kao i kada su je zatekli, a prema klupskim stvarima se odnositi kao da su igračeve.
7. Ne pričati međusobno za vrijeme trajanja treninga, nego se koncentrisati na vježbe koje se pokazuju/uvježbavaju, te upute koje trener daje.
8. Poštovati, slušati i izvršavati sve zadatke koje dobije od članova stručnog tima.
9. Znati da trening traje dok trener ne označi kraj treninga, a ne do vremena određenog terminom. Shodno tome potrebno je predvidjeti moguće odstupanje od 15-ak minuta.
10. Ne koristiti mobitel za vrijeme trajanja treninga ili utakmice, osim za hitne i opravdane situacije uz prethodnu najavu treneru. Trener ima pravo privremeno otuđiti uređaj (do kraja trajanja treninga ili utakmice).
11. Ne nositi privatne stvari (nakit, igračke, mobiteli, fotoaparati i drugo) za vrijeme trajanja treninga ili na teren.
12. Pridržavati se osnovnih pravila bontona i uvijek koristiti četiri čarobne riječi: hvala, molim, izvini i izvoli.
13. Sprječavati sve potencijalne incidentne situacije koje mogu izazvati povrede, bolesti i drugo.
14. Obavezno prisustvovati seminarima, predavanjima i radionicama koje Klub organizuje.
15. Obavezno pristupiti najavljenom zdravstvenom testiranju.
16. Provoditi sve upute za kondicionu pripremu tokom ljetnih školskih praznika dobivenih od strane trenera i koordinatora.
17. Poštovati zabranu pušenja nikotinskih proizvoda, nargile i konzumacije alkohola.
18. Imati korektan odnos prema suparničkim igračima i ostalim osobama, sucima, navijačima i Upravi.
19. Odazvati se svim pozivima za reprezentaciju.
20. Biti uzoran član zajednice.
21. Jasno i glasno pozdravljati osobe u krugu stadiona i trening centra, bez obzira da li ih poznaju ili ne, te starijim osobama se obraćati s poštovanjem.

Prilikom putovanja, igrač čuva imovinu prevoznika i ne nanosi nikakvu štetu ugleda Kluba kod prevoznika koji ih prevozi. U slučaju da neko od nogometaša odluči napustiti Klub, bez opravdanog razloga ili dogovora s ovlaštenim licima Kluba, istom neće biti odobren povratak.

**Igrači su u razgovoru sa svojim roditeljima pročitali i razumijeli kodeks ponašanja, te isti će poštovati za vrijeme trajanja članstva u Klubu.**